

PROMOCIJA ►►

U BOLNICI SVETI VID VRAĆEN
VID POSLIJE TRI DECENIJE

PRILIKA ZA NOVI ŽIVOT

Posljednjih dana 2009. godine godine u bolnici *Sveti Vid* urađena je operacija na oba oka tada 31-godišnjem Amiru Mujezinu iz Sarajeva. Zahvaljujući tom zahvatu Amir poslije 30 godina sljepila može da vidi svoju suprugu i dijete, da čita, hoda bez ičije pomoći, da vidi svijet oko sebe



Amir Mujezin sa dr Rudolfom Autratom

Amir Mujezin bio je sljep gotovo od rođenja i tri decenije učio je da živi sa ovim nedostatkom. Školovao se u Centru za slijepu djecu u Sarajevu, prošao obuku u Beogradu i dobio posao u Hitnoj pomoći kao telefonski operater. Zaljubio se i stupio u brak, u kom je dobio i dijete. Suprugu Fadilu i sedmogodišnjeg sina Adija Amir je prvi put vidio 31. decembra 2009. godine, kada se vratio sa operacije obavljene u *Svetom Vidu* samo dva dana ranije.

Priča sa sretnim krajem

Prije 30 godina, kao šestomjesečnoj bebi, Amiru su operativno odstranjena sočiva jer je rođen sa kataraktom. Iako je operacija urađena u najboljoj medicinskoj ustanovi tadašnje Jugoslavije, u oči mu nisu ubačena sočiva, katarakta se vrlo brzo ponovo razvila i Amir je ostatak života proveo kao slijepa osoba. To se sve promijenilo 29. decembra 2009. godine. Tog dana je započeo njegov novi život.

“Iako postoji mnogo toga što bih želio reći, ne pronalazim prave riječi kojima bih dovoljno zahvalio bolnici *Sveti Vid*. Posebno emotivan bio je moj dolazak kući. Prvi put

sam vidio suprugu Fadilu i sina Adija. Vidio sam ono što prije nikada nisam – izraz i crte njenog lica, njene pokrete. A sin, što sam ga duže gledao, sve me je više oduševljavao. Svi smo bili presretni. Cijelu noć nisam spavao. Nakon 30 godina uvjeravanja da mi nema pomoći i da ću doživotno ostati sljep, ja sam danas potpuno zdrav čovjek. Šta reći osim da sam se ponovo rodio”, kaže Amir.

Liječenje katarakte

Katarakta, poznata i kao očna mrena, bolest je zamućenja očnog sočiva, a ovo je vodeći uzrok sljepoće u svijetu. Stepenn slabosti vida varira, a u Amirovom slučaju radilo se o kompletnom zamućenju sočiva na oba oka, posebno lijevom. Zbog ovoga je Amir u *Sveti Vid* došao kao vođena osoba. Prilikom operacije Amiru su odstranjena zamućena sočiva, katarakta i urađena je implantacija adekvatnog sočiva U istom aktu urađeni su zahvati na oba oka. Čitav proces trajao je kratko, a već sutradan poslije kontrole, Amir je mogao samostalno da se kreće. Standard u svijetu je da se operacija katarakte kod beba radi rano, da bi se oslobodila zamućena vidna osovina i omogućio prodor svetlosti u oko. Imperativ je implantacija sočiva, kako bi se stvorili uslovi za formiranje što oštrije slike i funkcionalnog vida. Ukoliko se ne implantira sočivo, bez obzira na to što su zamućenja odstranjena, slabovidnost ostaje.

Vrhunska tehnologija i stručnjaci

Bolnica *Sveti Vid* po opremljenosti spada u najbolje oftalmološke klinike u svijetu. Izuzetna zasluga kada se radi o Amirovom slučaju pripada prof. Pavelu Rozsivalu, koji je izveo ovaj hirurški zahvat. Ovaj virtuoz očne hirurgije dobitnik je najviših svjetskih priznanja za doprinos razvoju oftalmologije u svijetu, kao i za doprinos edukaciji u oblasti oftalmologije. Profesor Rozsival dobitnik je i najvećeg priznanja u oblasti inovacija u oftalmologiji za hirurški zahvat na slijepom oku, urađen upravo u *Svetom Vidu*, što je bio prvi slučaj ovakvog hirurškog rješenja u svijetu. Za to je nagrađen prvom nagradom na Svjetskom kongresu inovativne oftalmologije, 2008. godine. U svojoj praksi obavio je više od 35 hiljada fakoemulzifikacija u najrazličitijim slučajevima, od kojih su većina bili pravi izazovi u hirurgiji oka.



Prof. Pavel Rozsival već godinama je stalni član tima bolnice *Sveti Vid*

Info: Specijalna bolnica *Sveti Vid*, Dobračina 27 11000 Beograd, tel. +381 11 3283737, www.svetivid.com